

# KRESTE EA TSEBAHALITSOENG

## O A MENGOAHA EOHLE



Mangolo a 'maloa mona ao ke batlang ho lebisa ho ona bosiung bona. Ke ne ke nahanne ka temana eo lebaka la rona mona. Ke batla ho bala karoloana ea Lengolo, etsoe ke lumela hore tsohle, kopano ka 'ngoe, e lokela ho ba le Lentsoe la Molimo le baloang ho eona. Hobane, kea tseba A ka kopana le rona ho sa baloe Lentsoe, empa ke tšaba haholo hore nka etsa phoso. Ka baka leo ha nka bala Lentsoe la Hae, ke a tseba ha ho phoso nthong Eo. Ka baka leo ke—ke bala Lentsoe la Hae, ke a tseba hore ntho e 'ngoe e tla tsoa kopanong, ka baka la palo ea Lentsoe la Hae.

<sup>2</sup> 'Me ka baka leo, re tšetleha mohopolo oa rona Lengolong leo re tla le bala, nqalo e 'ngoe e fumanoa ho Santa Johanne, khaolo ea 10, ho qala ka temana ea 32 le ea 39, 'moho; joale mongolong oa khale o tsebjoang, Baheberu 13:8. Joale ho Santa Johanne, khaolo ea 10, ho qala ka temana ea 32, re bala sena.

*'Me Jesu a ba araba a re, Ke le bontšitse mesebetsi e mengata e metle, e tsoang ho Ntate; ke ka baka la mesebetsi efe ena eo le ntlepetsang ka eona?*

*Bajuda ba mo araba, ba re, Ha re u tlepetse ka baka la mosebetsi o molemo; empa e le nyefolo; 'me kahobane . . . uena, u le motho, u iketsisa Molimo.*

*Jesu a ba araba, Na ha ho a ngoloa molaong oa lona, keitse, Le melimo?*

*Ekare ha a bitsitse bao lentsoe la Molimo le tllileng ho bona melimo, 'me mangolo a ke ke a robjoo;*

*Le bua joang ka eena, eena eo Ntate a seng a mo hlatsoiseng, le ho romela lefatšeng, U a nyefola; hobane keitse, Ke Mora Molimo?*

*Ekare ha ke sa etse mesebetsi ea Ntate oa ka, le se lumele ho 'na.*

*Empa ekare ha ke etsa joalo, leha le sa lumele ho 'na, lumelang mesebetsi: le tle le tsebe, 'me le lumele, hore Ntate o ka ho 'na, le 'na ke ka ho eena.*

*Eaba ba boela ba batla ho mo tšoara: empa a phonyoha matsohong a bona,*

<sup>3</sup> 'Me ho Baheberu, khaolo ea 13 le temana ea 8.

*Jesu Krete eena maobane . . . kajeno, le kamehla.*

4 Ha re rapeleng. Ntate oa Leholimō, halaletsa moromuoā bosiuᅡ bona, Morena, Molaetseng, le moutloi oa Lentsoe, hoba re e kopa ka Lebitso la Jesu. Amen.

5 Joale ha re atamela thero ena, temana e tsepameng feela ea bosiu ba pele, ho tloaelana, ke batla ho qotsa mohlolithero, e. . . *Kreste Ea Tsebahalitsoeng Oa Mengoaha Eohle.*

6 Joale mona Buka ea Baheberu e re bolella E le oa maobane, kajeno, le kamehla.

7 'Me re bala Bibeleng mona ho thoe Bajuda bana ba ne ba Mo botsa. Re fumana Bagerike ba Mo botsitse. 'Me e ne e le potso e sa khaotseng. E ne e le hobane batho ba bangata ba tsoere litlhaloso tsa Hae tse ngata hakana tse fapaneng.

8 Ha ho motho ea kileng a utloela ka Eena haese ea lakatsang ho 'Mona. Ke kholoa ha nka botsa bosiuᅡ bona, "Ke ba bakae ba lona ba ratang ho bona Jesu?" letsoho ka leng le tla phahama. Ha ho e—ha ho motho ea kileng a utloela ka Eena haese ea batlang ho 'Mona.

9 Ntho e teng esita le ka Lebitso la Hae, hoo feela. . . e a re tsofisa. Ntho e teng e hlasimollang pelō ea rōna, ho utloa Lebitso leo feela, Jesu. Hobane, ka Lebitso leo re na le tsoarelo ea sebe, re na le topollo ea rona, hobane leloko lohle le Leholimong le tla. . . le tla jara Lebitso leo. 'Me ka hona re. . . Molimo o nka Lebitso lena la motho ho beoa holim'a Hae mohla A ne a bonahatsoa nameng. Ke Lebitso le babatsehang hakakang!

10 Joale re—re hopola A le moholo haholo! 'Me ho theoha le mengoaha, batho bohle ba lletse ho bona Molimo. Joale bothata ba eona, ho tloha mehleng ea Jobo. . .

11 Kea kholoa Jobo o nkuoa e le e 'ngoe ea Libuka tsa khale ka ho fetisisa tsa Bibeale. E ne e sa tsoa kenngoa. E ngoliloe mehleng ea Moshe, Moshe o ngola e—e libuka tsa pele tse 'nē.

12 Joale re lumela hore—hore Jobo, ka mono, o kile a hooeletsang, "Hola nka 'Mona feela! Holane ke tsebile moo nka eang tlung ea Hae! Nka rata joalo," ka mantsoe a mang, "ho kokota monyako oa Hae."

13 Bohle re tseba re tsoa nqa e 'ngoe. Re ka morao ho lesira la mofuta re. . . Ntho e teng ka ho rōna, e nanabelang ntho, eo re e tsebang e tsoa nqa e 'ngoe. Re ke ke ra itsoara eka hoja re sa etsoa ke ntho ka morao ho rona.

14 Tšupanako ea ka e ka be e sa etsahala. Mang le mang ea kelello ea e pholileng o tla tseba seo, litšepe, le linako, le melaoana, le lisipring, le—le manaka, e ka be e sa etsahala feela. Ha se ntho e ka etsoang ho hang.

15 Shebang popo eohle, kamoo e hlophisitsoeng 'moho. Rea tseba e ka be e sa etsahala. Motho o moholo hakaakang ho feta tšupanko! Monna o ile a qapa oache, a e behela nako, a e kopanya. Ka baka leo haeba e se ntho e ka etsoang hore

tšupanako eo e hlahe, hakakang hore 'na le uena re tsoatsoile ra ba mona feela? Eka khona ho be le 'mopi ea ka mor'a rona. Ha re sheba popo ea Hae e kholo, kamoo e tsamaeang kateng, le kamoo A phelang ka ho eona, ho phela ka ho eona.

<sup>16</sup> Re lemoha lehlaku, kamoo lehlaku le leketlang sefateng. 'Me bohareng ba Phato, kantle ho serame kapa letho, bophelo bo a le tlohela 'me bo theohela motsong. Lehlaku le a foforeha le theohela hantle holim'a mobu. Joale molato ke'ng? Bohlale bo buang le lona bo teng. Sefate ha se na bohlale ba sona. Ka hona bophelo bo theohela motsong oa sefate, ho ipatela maemo a batang a leholimo. Haeba e . . . Haeba bo ka lula holimō mane, bo tla shoa, mariha a ka bo bolaea.

<sup>17</sup> Joale lehlaku le etsa'ng? Le robala mobung 'me le a bola. Bophelo bo etsa'ng bo sa lutse motsong? Bo momona hape moloho o tsoang lehlakung leo le shoeleng, k'halsiamo le eng e kenang ho eona, bo boela bo tsoha sehle sa selemo, 'me bo boele litulong tsa bona, bo hlahisa lehlaku le leng. Ke bopaki; lefu, kepele le tsoho.

<sup>18</sup> Letsatsi le chaba hoseng, joaloka lesea ha le tsoaloa. Hora ea borobeli kapa ea borobong le kena sekolo. Hora ea leshome le tsoile sekolong. Hora ea leshome le metso e 'meli le lilemong tsa lona tse bohareng. 'Me ebe le qala ho shoa, le shoa hape 'me le likela Bophirima. Na ke phetho? Ho tsoha hoseng ho hlahlamang, ho paka; bophelo, lefu, kepele, tsoho. Ntho e 'ngoe e le e 'ngoe, tsohle, Molimo o phela popong ea Hae. O etsa hoo 'me o e entse mengoaheng eohle.

<sup>19</sup> Joale, mokhoa o le mong feela re tla fumana haeba Molimo a sa phela. Re ka 'Mona popong ea Hae, empa ebe Molimo o kile oa Iponahatsa joang bathong bao . . .

<sup>20</sup> Motho o re, "Be, Molimo o kae? U bua haholo ka Eèna."

<sup>21</sup> Koana Afrika, masimong a boromuoa mono, le har'a e—e maAfrikaanse, ba sebelisa lentsoe la *amoyah*, le bolelang, "matla a sa bonoeng," joaloka moea. "Molimo oa hau," o re, "Molimo o sa bonoeng, O—O tšoana le moea. Ke matla, empa ha re—re 'Mone."

<sup>22</sup> Be, ke lumela re ka 'Mona. Hobane, re fumana khaolong ea 12 ea Santa Johanne, Bagerike ba bang ba tlile ho bona Jesu, 'me ba itse, "Benghali, re rata ho bona Jesu," 'me ba isoa ho Eèna, ke e mong oa barutuoa ba Hae. 'Me Baheberu 13:8 e itse, "Ke oa maobane, kajeno, le kamehla." 'Me haeba A ka nkuoa matsatsing ao, ho bonoa ke e mong oa barutuoa ba Hae, hobaneng re sa khone rona barutuoa ba Hae, bosiuong bona, ho tlisa babatli Boteng ba Hae, haeba E le oa maobane, kajeno, le kamehla? Biblele e Mo tlaleha joalo, "E sa le eèna maobane, kajeno, le ka mehla."

<sup>23</sup> Joale, kea tseba taba ena e utloahala e hlahafetse. Empa ha u ka re mamella metsotso e 'maloa, ke lumela hore 'na, ka thuso ea Molimo, ka Lentsoe la Oona le ho latela Lentsoe la Oona, nka

Mo tlisa hantle mona ka pel'a lona. 'Me hape, hoo, ke matšeliso a makakang! Re mona ka morero oo. Rona Bakreste re mona ho fumana matšeliso, ho—ho tlisa, ho kena ka pel'a Sefahleho sa Molimo oo re o tsebang, o ka re tsosang joaloka ha A etsa lehlaku, o ka re khutlisang.

<sup>24</sup> Na ke tabakhopolo feela, na ke mantsoe a itseng feela a kopantsoeng, na ke lits'omo tse itseng tsa Bojuda, kapa na ke 'Nete? Moo phoso e ngata hakana e leng teng, eka khona ho be le 'Nete kae-kae. Moo ho nang le dolara ea bohata, ke tla re ho na le ea sebele e entsoeng ka eona. 'Me moo boetsisi bo leng bongata hakana, le lintho tse ngata tseo re li bonang kajeno, eka khona ho be le Molimo oa makhonthe nqa e 'ngoe.

<sup>25</sup> Joale haeba re sa Mo sebeletse, joale ha re furalleng seo re se etsang re tlohe ho ea Mo sebeletsa. Hobane, holim'a tsohle, maipolelo a rona a thusa'ng haeba ho se letho ho eona? 'Me bots'epehi ba rona ha bo—ha bo re latolele kahlolo. Bahetene ba tšepahala. Ka nako tse ling batho ba noa esete ea k'haboliki, ka botšepahi, ba hopola ba noa ntho e 'ngoe. Botšepahi ha bo e phethise. E tlameha e be tsela e lokileng, le tsela e fosahetseng.

<sup>26</sup> Ke lumela Bible e lokile. Ke lumela Lentsoe la Molimo le lokile. Joale Molimo o tlameha ho ahlola, [Moena Branham o hlakisa qoqotho ea hae—Mohl.] (Ntšoareleng.) O tlameha ho ahlola e—e lefatše ka ho hong.

<sup>27</sup> Joale enere ke sa le moshanyana, lelapa la heso pel'a ka, e seng ntate le 'mè, empa pele ho moo, re ne re le Irishi mahlakore bobeli, ka hona, rona, e ne e le Katolike 'me e ne e le tlhaho feela ho 'na ho khutlela kerekeng ea Katolike. Be, ntate le 'mè ba ne ba nyalane kantle ho kereke, 'me ba sa kene kereke. 'Me eitseha ke fihla lilemong, ho tseba hore Modimo o ne o le teng, joaloka ha bongata ba lona bo balile buka ea ka, ka—ka tseba hoba Molimo o ne o le teng kae-kae.

<sup>28</sup> Empa joale, mohopolo oa eona, haeba Molimo o tla ahlola lefatše ka kereke, ebe e tla ba kereke efe? Haeba e tla ba kereke ea Katolike, ebe ke kereke efe ea Katolike? Ea Roma, ea Molao, kapa ebe O tla e ahlola ka efe? Haeba A tla e ahlola ka Protestantana, na ke ka Methodise, Baptise, Pentekosta, Presbeteriene? Ke efe? Ua bona, pherekano e ngata haholo.

<sup>29</sup> Ka hona mothaka a ka re, “Be, e mpa feela . . .” Oh, e, e etsa joalo. “Ha ho etse taba, ha feela u tšepahala.”

<sup>30</sup> Buka ea pele ka Bibeleng, se hlahisitseng lefu, maloetse, mahlomola, le sebe, ke ka baka la motho a le mong ea sa kang a lumela Lentsoe le le leng. Bukeng ea ho qetela ea Bible, 'ona Molimo oo, ho Tšenolo 22, ho itsoe, “Ekareha e mong a tlosa Lentsoe le le leng, kapa a eketsa lentsoe le le leng ho Eona, kabelo ea hae e tla tlosoa Bukeng ea Bophelo.” Ka hona e tlamehile e be e le Buka ea kahlolo.

31 Joale rea fumana, ho re, “Tšimolohong,” Santa Johanne 1, “Lentsoe le ne le le tšimolohong, ’me Lentsoe le ne le le ho Molimo, ’me Lentsoe e ne e le Molimo. ’Me Lentsoe le ne le etsoe nama la aha har’a rōna. Re Mo bone, ea tsoetsoeng a inotši ke Ntate, hore Lentsoe ka Sebele, Molimo, le ne le etsoe nama la aha hara rōna.”

32 Baheberu 13:8 e re, “Ke oa maobane, kajeno, le kamehla.” Ka hona haeba A tšoana, ’me e le Lentsoe, ebe Lentsoe le Itlaleha joang mengoaheng eohle e meng? E tla lokela ho Itšebetsa ka ho tšoana kajeno, ho ba Jesu Krete eena maobane, kajeno, le kamehla. Hoo ha ho fete ’Nete. Ke Lentsoe, ’me moo . . . kamoo Lentsoe le boletsoeng mengoaheng e meng eohle, Molimo ha o Iphetole, Malakia 1, kapa, Malakia 3:6 e re ha A etse joalo: “Ke le Molimo, ha Ke fetohē.”

33 Ka baka leo hantle kamoo A neng a le kateng tšimolohong, O teng kajeno. ’Me E ne e le Lentsoe, ho moloko oa batho, tšimolohong. Molimo ha o a ka oa neha morabe oa batho kereke ho ema ka morao ho eona, le ka mohla ha ba nehoa tumeloana ho ema ka morao eona. O ne a hahetse motho qhobosheane ka Lentsoe la Hae, “Lumela Lentsoe lena ’me u phele!” Ho a tšoana le kajeno. ’Me Krete ke Lentsoe leo, “Lentsoe le ne le le tšimolohong, Lentsoe le ne le le ho Molimo, ’me Lentsoe e ne e le Molimo. ’Me Lentsoe le ne le fetohē nama la aha har’a rōna.” Joale, seo A neng a le sona mengoaheng e meng, ka hona O tlameha ho tšoana kajeno, haeba E sa le eena maobane, kajeno, le kamehla. Etsoe, ke hopola ke hlalositse ka ho hlaka hore ke Jesu Krete maobane, le kamehla, ’me Ke Lentsoe.

34 Joale, Jesu o itse, “Mangolo a ke ke a robjoa.” Mangolo a ne a nepile. ’Me Lengolo lea bolela, ho Santa Johanne 1, ho re, “Lentsoe le ne le etsoe nama, la aha har’a rōna.” Molimo oa fetoha nama, ka ho Mora oa Oona, Jesu Krete, oa aha hara rōna. Ho Santa Johanne 10:35, Jesu o bitsitse bao A tlleng ho bona, e neng e le Lentsoe tšimolohong, “baporofeta.” Jesu o boletse mona, “Molao oa lona o a le ruta, bao Lentsoe la Molimo le ba fihletseng, ’me Lentsoe la Molimo le tllile ho baporofeta.”

35 Joale Baheberu, khaolo ea 1, e re ho . . . ho itsoe, “Molimo, mehlang ea bohoholo,” ’me ke mehlang ea khale, “ka mekhoha e mengata o buile le bontate, ka baporofeta; letsatsing lena la ho qetela ka Mora oa Hae, Jesu Krete.” Le a bona?

36 Joale, lemohang joale, Molimo! Jesu o boletse, “Bao Lentsoe le ba fihletseng, ba bitsitsoe ‘melimo,’” bao e ne e le baporofeta. Joale, motho ka sebele e ne e se Molimo, hakaalo kaha ’mele oa Jesu Krete e ne e ka ba Molimo. E ne e le monna, ’me Molimo o ne o koahetsoe ka mor’a Hae.

37 Esale Molimo o Ikoahela hole le sechaba, le ho Itšenolela batho ba tlang ho e lumela. Molimo! Sontaha sena se fetileng, tabernakeleng, ke rerile ka *Molimo O Koaholotsoeng*. Molimo

esale a Ikoahela ka mor'a ho hong, batho ba lefatše le kantle ba tle ba se ke ba tseba letho ka Eëna. Empa O Itsenolela bana ba Hae le bao ba ikemiselitseng ho potela ka morao ho lesira leo.

<sup>38</sup> Kahar'a Testamente ea Khale ho ne ho le matlalo a qibi a patileng Molimo. O ne a le ka har'a Khanya ea Shekina. E ne e le ka morao ho matlalo a qibi. Pele ba potela ka morao ho matlalo a qibi, bao. . .

<sup>39</sup> Lentsoe le ne le le ka ho Moshe, moporofeta. O ile a nyolohela thabeng. O ne a kopane le Topallo ea Mollo, 'me E ne e buile le eëna. A theoha 'me a etsa lipontšo tsa moporofeta, a ntša bana ba Iseraele Egepeta, ho ea thabeng ena. 'Me eaba Molimo o a theoha 'me oa tsebahatsa Moshe, ka ho mo kenya kahara Topallo eo ea Mollo, le ho koahela Eëna ka lesira. Ho se motho ea ka eang teng. Ho se motho ea ka lehang ho etsisa hoo, ba ke ke ba khona, ba shoele. Ho nkile monna a le mong, a potela ka morao ka mona, ho kena Topallong ea Mollo, ho kena Khanyeng ea Molimo, le ho kena Khanyeng ea Shekina; 'me eare ha a tsoa ka Lentsoe leo la mongoaha oo, keha a phatsima hakana ka Khanya ea Molimo a ba a tlameha ho ikoahela sefahleho. Batho ba sitiloe ho mo talima. 'Me leo e ne e le lesira la tlhaho.

<sup>40</sup> Ke eng? Ha motho a phunyeletsa lesira leo, a kena Khanyeng ea Shekina joale, lefatše le mo bitsa lehlanya. Ha ba bone se phoso. Empa ka morao ka mono, ha ho botle bo khahlang ho eëna. A ka tšoha a sa qapolise mantsoe a hae ka tšoanelo. A— a ka tšoha a sa apara hantle feela. A ka tšoha a sa apara liaparo tsa tšebeletso ea bolisa. Mohlomong ha a apare kamoo ba hopolang a loketse. E ka ba, empa, u a bona, ka hare, ka morao ho letlalo leo la qibi, ka morao ho letlalo leo la motho, Khanya ea Shekina e teng ka mono, matla a teng ka mono, Lentsoe le teng ka mono, bohobe ba pontša bo teng ka mono. 'Me Khanya ea Shekina, e leng Leseli, e etsa Leseli butsoisang thootse.

<sup>41</sup> Lona batho ba Kansas le tseba seo, ka lijalo tsa lona tsa koro. Ntle ho letsatsi leo, le ke ke la bonesa.

<sup>42</sup> 'Me ho fihlela U potela ka mor'a letlalo leo la qibi, ho fihlela u tsoa letlalong la hau la khale, mehopolo ea hau ea khale, litumeloana tsa hau tsa khale, le ho kena ka pel'a Sefahleho sa Molimo; Lentsoe le fetoha bonnete bo phelang ho uena, ke mohla u tsoetsoang Khanyeng ea Shekina, Bible e fetoha Buka e ncha, ke moo Jesu Krete e leng oa maobane, kajeno, le kamehla. U phela ka pel'a Sefahleho sa Hae, u ja bohobe ba pontša bo hlahiselitsoeng balumeli feela tsatsing leo, baprista feela. "Me rōna re baprista, marena le baprista, sechaba se halalelang, batho ba ikhethileng, ba hlahisetsang Molimo mahlabelo a moea." Empa u tšoanela ho kena, ka morao ho lesira, ho bona Molimo o koaholotsoeng. 'Me Molimo o koaholotsoe, leo ke Lentsoe la Oona le bonahalitsoeng.

43 Joale kajeno re fumana batho ba bangata ba re, “Be, rōna, re le *sekete-kete*, re Le lumela ka tsela *ena*.” Sehlopha se seng se re, “Rona, joaloka *sekete-kete*, re Le lumela ka mokhoa *’ona*.” Le a bona, u fumana liphetolelo tse ngata hakana!

44 Molimo ha o hloke toloko ea letho. O toloka Lentsoe la Oona ka Sebele. Bible e re, “Ha Lea itlela ka tlhaloso ea motho.” Molimo o senola, ka Sebele. O etsa joalo! Tšimolohong, O itse, “Leseli a le be teng,” ’me leseli la eba teng. Hoo ha ho hloke tlhaloso ea letho. Molimo o itse, “Moroetsana o tla emola,” o entse hoo. Hoo ha ho hloke tlhaloso ea letho. Molimo o itse, “Matsatsing a qetelo,” O tla “tšela” Moea oa Hae “holim’a nama eohle,” ’me O e entse. Hoo ha ho hloke tlhaloso ea letho.

45 E sa ntse e le Lentsoe! Lentsoe ke Molimo. Molimo, mongoaheng o mong le o mong, o abile Lentsoe la Oona hakaalo. ’Me ka mono, le shebe seo A se entseng, O rometse e—e moporofeta. “’Me Lentsoe la Morena le tla ho moporofeta.” Moporofeta o Le senolela letšoele, ’me letšoele le a Le lumela. ’Me, ka hona, hoo ke Molimo motsamaong, Molimo o tsamaeang ka Moea oa Oona.

46 Joale re fumana A Itsebahalitse joaloka Mora motho mona, joale, ho phethahatsa. Joale, mohla A neng a fihla lefatšeng, le hopole, O Itsebahalitse ho sechaba, kante, O Itsebahalitse e le Mora motho. O tlile ka lebitso la bara ba bararo; O tlile e le Mora motho, Mora Molimo, Mora Davida. Joale, *Mora motho* ke “moporofeta.” Esita le Jehova ka Sebele o bitsitse Ezekiele, ho itsoe, “Mora motho.” Jehova, a bua le monna, moporofeta, a ’mitsa, “Mora motho.” ’Me Jesu o Itsebahalitse e le Mora motho, hoba Mangolo a ke ke a robjoa.

Ho Deutronoma 18:15, Moshe o boletse, ka morao . . .

47 Bana ba Iseraele ba itse, “Molimo a se hlole a bua. Re batla Moshe a bue le rōna.”

48 A re, “Ha Ke sa tla bua le bona ka tsela eo, empa Ke tla ba romella Moporofeta.”

49 Ho Deutronoma 18:15, o itse, “Morena Molimo oa lōna o tla le hlhisetsa Moporofeta ea joaloka ’na.” ’Me ka hona Lengolo leo le ke ke la robjoa, O ne a tlamehile ho tla joaloka Mora motho. Joale e ne e baletsoe mongoaha oa Hae, mehleng ea Hae mona lefatšeng.

50 Eitse ha A shoa, a tsoha, a nyoloha, le ho khutlisa Moea o Halalelang, eo e ne e le Mora oa Molimo. Molimo ke Moea, ’me esale e le Mora Molimo Mongoaheng oa Kereke.

51 ’Me hape Lilemong tse Sekete, ke Mora Davida, ea lutseng teroneng, ea busang. O nyolohile. “Ea hlohang o tla lula le ’Na teroneng ea Ka, joaloka ha Ke hlotse, ke lutse teroneng ea Ntate oa Ka.” O lutse teroneng ea Ntate joale. Empa Lilemong tse

Sekete, O lutse teroneng ea Hae ka Sebele, hobane Ke Mora oa Davida.

<sup>52</sup> Ke Mora motho, Mora Molimo, Mora Davida. Ua bona, e phethahetse hantle feela.

<sup>53</sup> Joale rea fumana, O ne a tlamehile ho tla joaloka moporofeta. Lentsoe la Hae le sa fetoheng! Molimo ha o fetohe. Molimo ha o fetohe, hoba E ne e le Moporofeta ea neng a le ka ho Josefa. E ne e le Moporofeta, E ne e le Molimo ka ho Josefa. E ne e le Molimo ka ho Davida.

<sup>54</sup> Shebang Josefa, o mpile a taka bophelo ba Krete bo batlang bo phethahetse, empa o entse phoso, ho supa hobane e ne e se Eèna. Motho o etsa liphoso. Ua bona, o boletse Faro, oitse. . . O boletse ntatae, eèna e le moporofeta, Jakobo, a re, “Bolella Faro hore—hore re boramehlape, hobane molisa ke manyala ho Moegepeta.” Empa ntate, Moea ha o a mo lumella ho e etsa; oitse, “Bahlanka ba hau, balisa.” Ka hona le bona Josefa mono a etsa phoso.

<sup>55</sup> Davida, monna e moholo, o entse phoso. Monna ea pelōng ea Molimo ka Sebele, o ne a nke Bathe-sheba, a hopola a ka e patela oona Molimo oo a o sebelelitseng, bophelo bohle ba hae, empa Molimo o mo pepesitse ka moporofeta Nathane. Le a bona?

<sup>56</sup> Empa shebang Davida mohla a tsoang, a lelerisitsoe bathong ba habo, morena ea khesitsoeng. Morali oa hae o ne a rusulloe ke moena oa hae, 'me baena ba bang ba 'molaile. 'Me ke enoa moo a neng a le teng, Absalome o ne a tšohile 'me a hlopholla lebotho, a hlalisa letsoso; 'me Davida, ntat'ae ka sebele, a khaoloa, a tlosoa, a latoloa ke batho ba ha'bo. Ha a tsoa motseng, mothoana ea batlng a holofetse ea hulanang mono, a mo soma, a mo tšoela ka mathe. Molebeli eo a tsomula sabole ea hae, ho re, “Ke tla lesa hlooho ea ntja eo e hlomiloe holim'a eona, e ntse e tšoela khosi ea ka?”

Davida oitse, “Mo tlohele. Molimo o mo laetse ho etsa hoo.”

<sup>57</sup> Ntle le pelaelo, Davida o ne a sa tsebe seo a se etsang; a nyoloha eona Thaba ea Mehloaare mono, 'me a sheba fatše, a lla, morena ea khesitsoeng. Athe, lilemo tse makholo a 'maloa hamorao, Jesu Krete o ne a lutse thabeng eona eo, Mora oa Davida, a lla e le morena ea lahluoeng, 'me le bona ba Mo tšoela ka mathe, hape.

<sup>58</sup> Le a bona, lintho tsena tsohle li mpa li bapisa Krete. E ne e le karolo ea eona. Molimo ha o fetohe. Tlhaho ea Hae ha e fetohe. Semelo sa Hae ha se fetohe. E sa ntse e le Lentsoe, u a bona, 'me Malakia 3:6 e paka seo. O mpa a fetola sebopeho sa Hae bakeng sa mongoaha o mong le o mong. Mongoaha o mong le o mong, O hlophisitse karolo ea Lentsoe le porofetiloeng le tla hlaha matsatsing a itseng. Be, ha mongoaha oo o fihla, Molimo o tsamaea feela ka sebopeho se seng. Ua bona, ke Molimo ka linako tsohle, Lentsoe, “Lentsoe le entsoeng nama la aha har'a rōna.”



59 Joale ho Baheberu 4, re fumana, Baheberu 4:12. Jesu o tsebahalitsoe ka phethahalo ka mesebetsi ea Hae le seo A se entseng, hobane Baheberu 4:12 e re, “Lentsoe la Molimo le bohale le fetisa sabole e leolitsoeng ka nqa tse peli. Hape ke mohlanoli oa mehopolo le oa merero ea pelo.”

60 Ke kamoo Abrahamama, mohla Monna enoa a kopanang le eëna, liaparo tsa Hae li tletse lerole, 'me rea fumana, mohla Abrahamama a bonang Monna enoa, o Mo bilelitse kathoko.

61 Ba babeli ba bona ba theohela Sodoma; setšoantšo se setle haholo sa tsatsi lena leo re phelang ho lona, 'me re fumana Billy Graham oa sejoale le bao ba leng Sodoma, ho ba ntša.

62 Shebang kereke e khethiloeng, leha ho le joalo, peo ea sebele ea Abrahamama. Lota e ne e le motsoala, empa Abrahamama . . . Monna enoa ha a ka a theoha, Eena ea buileng le Abrahamama. 'Me joalokaha A buile le Abrahamama, O itse, “Abrahamama.” Joale hopolang, lebitso la hae e ne e le *Abram*, matsatsi a 'maloa pele ho moo, 'me mosali oa hae e le *Sarai*, e seng Sara.

'Me A re, “Abrahamama, mosali oa hau o kae, Sara?”

Ho re, “O ka tenteng, ka mor'a Hau.”

63 A re, “Ke tla u etela ka nako ea bophelo.”

'Me Sara, ka pelong ea hae, a batla a e tšeha.

64 “'Me Monna, mokokotlo oa Hae o furaletse tente,” Bibeले e boletse, “ho re, ‘Sara o tšehile ke'ng?’ ka tenteng ka mor'a Hae.”

65 'Me Abrahamama a bitsa Monna eo “Elohim.” *Elohim* ke “Ea leng Teng ka boEena.”

66 Joale lentsoe la Senyesemane *molimo* le bolela ntho efe. Mantsoe ao a Senyesemane, u loketse ho a sheba, hoba a na le mefuta eohle ea mehopolo e khopameng. Molimo, deseke ena e ka ba molimo, sefate e ka ba molimo, motho e ka ba molimo, ntho efe feela molimo, lentsoe la Senyesemane molimo le e bolelang.

67 Empa *Elohim* ke ho bolela “Ho ba teng ka bo-eona.” Ho ka ba le feela . . . Deseke ena ha e teng ka bo-eona. Monna eo ha a teng ka bo-eena. Sefate ha se teng ka bosona. Empa Elohim o joalo! Ea leng teng ka bo-Eena, ea bonahalitsoeng nameng, a eme mono, a ja, a noa lebese la khomo, ho ja nama, namane, ho ja bohobe, le ho bua le Abrahamama. 'Me Abrahamama o itse e ne e le “Elohim.”

68 'Me Jesu, ho Santa Luka 17, o itse, “Joaloka matsatsing a Sodoma, ho tla ba joalo ho khutleng, mohla Mora motho a bonahatsoang.” E seng Mora Molimo, joale; “Mora motho a bonahatsoa”! “Mohla A senoloang, ho tsebisoa Kereke ea Hae, Mora motho o tla senoloa pejana feela ho Mora oa tšepiso.”

69 Abrahamama o bone Molimo ka libopeho tse ngata tse fapaneng, ka Leseli, le ka lipono; empa Molimo e ne e le enoa ka ho Monna, pejana feela mora oa tšepiso le ea emetsoeng a hlaha.

<sup>70</sup> Jesu o itse, “Pele Mora oa pallo a khutla hape, Elohim o ne a tla Iketsa (Lentsoe la Hae) ea bonahetseng nameng, Molimo!”

“Benghali, re rata ho bona Jesu!”

<sup>71</sup> Molimo o bonahalitse ntho e tsoanang mengoaheng eohle, esale ho le joalo, O Ipatile ka mor’a nama ea motho. Ke Molimo ka ho uena. “Ho se ho se hokae ’me lefatše ha le sa tla Mpona, empa lona le tla Mpona. Ke tla ba le lona.” Esita A le ka ho rona; O tla ba teng, ho isa pheletsong, ho fihlela A senotsoe ka sebopeho ho tsoa Leholimong.

<sup>72</sup> Lentsoe la Molimo la mongoaha ona, O tšepisitse eng ho mongoaha ona? Ha u sheba ka Bibeleng ’me u bona se baletsoeng mongoaha ona, ’me u bona Seo se iphela, ha ke tsotelle ea reng E lokile kapa e fosahetse, E nepahetse hobane E le Molimo o tolokang Lentsoe la Oona ka Sebele.

<sup>73</sup> Ha O hloke motho ho re, “Be, matsatsi ao a fetile. Ha ho ntho e kang pholiso ea Khalalelo. ’Me hoo hohle ke bohlaya.” E—e fosahetse! Ha Molimo o re O tla e etsa mongoaheng o itseng, O tla e etsa. Empa taba ke ena, re kena mokhoeng oa khale oa ntho e ’ngoe morao koana, sekolohali se itseng se tsoang morao koana, ’me re a E fosa.

<sup>74</sup> Ke ka hona ba fositseng Jesu mohla A tlileng. Ba sa ntse ba leka ho phela tlas’a Molao, athe Bible e boletse ka ho hlaka . . . Hantle mona, ke tla E bala, O itse, “Batlisisang Mangolo, ho Oona le nahana le na le Bophelo Bosafeleng, athe ke Oona a Mpakang. Ekareha Mangolo a sa Mpake, e tla ba e fosahetse.” Ruri ba ka be ba bone hoba moroetsana o tla emola! Ruri E ne e le karabo e phethahetseng Mangolong! Rona Bakreste re lumela seo joale.

<sup>75</sup> Empa molemo ekabebile ofe holane Moshe a tla ka letsatsi la Nohe, molaetsa oa Nohe? Molemo oa Johanne Mokolobetsi ho tla ka molaetsa oa Moshe e ka ba ofe? Ua bona?

<sup>76</sup> Ha re na molaetsa oa Sankey. Ha re na molaetsa oa Moody. Re tsoere Molaetsa oa hora ena! Ha re na molaetsa oa Luther kapa molaetsa oa Wesley. Ba ne ba itoketse, empa lena ke letsatsi le leng. Ena ke tšepiso e ’ngoe. Ona ke mongoaha oa kereke e ’ngoe. “Jesu Kreste maobane, kajeno, le kamehla!” Ho hlolla hakakang, kamo batho ba ka foufalang, mongoaheng, empa eka khona ho be joalo. “Fofa,” mongoaheng ona, Bible e boletse, “me ba tla hlatsoa molomong oa Hae,” Mongoaheng ona oa Kereke ea Laodisea. “Empa bao A ba ratang, O a ba laea o a ba khalema.” O e boletse e tla ba ka tsela ena Mongoaheng ona oa Kereke ea Laodisea.

<sup>77</sup> Hopolang, Molimo o fetola sebopeho sa Hae. *En morphe*, lentsoe la Segerike le bolela hore O apara lesira le fapaneng. Joaloka ho *Carmen* kapa ho hong, kapa—kapa papali ea Shakespeare, O—O tsoana le setšoantši, O fetola sebopeho sa Hae. Sohle seo bapropofeta bao ba neng ba le sona, e ne e le

Molimo ka ho baporofeta bao. Jesu o itsalo, “Le ba bitsa ‘melimo, ’ bao Lentsoe la Molimo le ba fihletseng: ’me Ke ’na enoa, Mora Molimo, le Nqosa joang?” Oh, khili!

<sup>78</sup> Ho a tšoana le kajeno, ke Molimo o bonahetseng ka nama, Molaetsa oa hora, Leseli la letsatsi! Re ke ke ra fumana melaetsa e meng eo morao mono, e se e phetsoe; re phela liphalaneng tsa leseli.

<sup>79</sup> Ke sekhobo se sehlohali seo, bosholu bo bohlohali, boo lichaba li kileng tsa bo tseba, bo entsoe Engelane mona haufinyane, bo entsoe ka mabone a bohata. Didolara tse limilione tse supileng, bosholu ba terene, ha bo eso tsebjoie pele, nalaneng. Seo ebile sekhobo se sehlo, sesupo sa mehla ea batho ba khopo lefatšeng.

<sup>80</sup> ’Me letšoa le leholo ka ho fetisisa la balotsana mongoaheng, lefatšeng leo re kileng ra phela ho lona, ke leseli la bohata horeng ena eo re phelang ho eona, ho leka ho re khutlisetsa tlas’a tumeloana ea mofuta le lintho. Athe, re liepistole tse phelang, kapa, ka mantsoe a mang, re liepistole tse phelang, tse ngoliloeng ’me joale li phela Lentsoe la Molimo, joalokaha A tšepisitse horeng; Lentsoe le bonahalitsoeng, liepistole tse ngotsoeng, tse pheloang kante. Ke seo baapostola ba neng ba le sona.

<sup>81</sup> Johanne Mokolobetsi o ne a le joalo. “E ne e le lentsoe la ea hooang feelleng.” O lekile ho ba bolella seo. Hape E ne e le Malakia 3, “Bonang, Ke roma lengosa la Ka pel’a sefahleho sa Ka, ho lokisa tsela pel’a batho.” E ne e le Lentsoe leo le phelang.

<sup>82</sup> ’Me Kereke ea ’nete e tsoetsoeng labobeli horeng ena ke Lentsoe le phelang la Molimo. Ke Lentsoe la mongoaha ona, le bonahalitsoeng. Batlisisang Mangolo le bone se tlamehang ho hlaha mongoaheng ona. Krete ke eo o boela a phela, ho fetola maseke oa Hae ho tloha ho o mong ho ea ho o mong.

<sup>83</sup> Joale, O tsebahalitsoe ka ho hlaka e le Messia. Ba tlamehile ba be ba e tseba. Re tseba seo Messia a neng a tlamehile ho ba sona. E ne e tlamehile e be e le Moporofeta. Ke seo Bibe e ’Moletseng a ne a le sona. Ke seo A itseng O ne a le sona. “’Na Mora motho, le re ’Na Mora motho ke mang?” Kamehla o Itsebahatsa e le mongoaha oa Moporofeta, ho Itsebisa e le Moporofeta oa Molimo. Ke seo A neng a le sona.

<sup>84</sup> Empa E ne e le ea fetisang le moporofeta. E ne e le Molimo-Moporofeta. Seo Davida a neng a le sona, seo Moshe a neng a le sona, seo Elia a neng a le sona, sohle seo e neng e le sona, “botlalo bohle ba Bomolimo bo ne bo ahile ho Eena ka ’mele.” E ne e le Molimo-Moporofeta. E ne e le Molimo, Jehova, a fetoha nama ka ho Mora oa Hae ka Sebele, oa Itlahisetsa tabernakele ho Iponahatsa ka ho eona. Ba bang bohle ba hlolehile, ba ne ba le lipha; empa ha ho sepha ho Eena. Esita le Molimo ka Sebele o itse, “Enoa ke Mora oa Ka ea ratoang eo Ke khahlisoang ke ho

lula ho eèna.” Ke hantle, ha ho sepha ho Eèna. “Mo utloeng!” O bonahalitsoe Molimo.

<sup>85</sup> Ba itse, “U iketsa Molimo, kapa ea lekanang le Molimo.” E ne e le eèna. E ne e le Mora oa Hae ka Sebele. Amen. O ne a ena le . . . E ne e le ponahatso ea Molimo. Molimo o no o le ka ho Kreste, ho khutlisetsa lefatše ho Eèna.

<sup>86</sup> 'Me letsatsing lena la ho qetela, O bua le batho ka Mora oa Oona, Kreste Jesu, ho Itsebisa. Ebe Kreste ke'ng? Lentsoe. Lentsoe la eng, lentsoe la Moshe? E, empa kajeno Ke Lentsoe le bonahalitsoeng la letsatsi lena.

<sup>87</sup> Lemohang kamoo Jesu a neng a le kateng. Joale, E tla ba Moporofeta, ha re boneng haeba A ne a tsoere pontšo ea Messia. Ha re feteleng ho Santa Johanne, khaolo ea 1, metsotso e latelang e mehlano, e leshome, pele re koala. Santa Johanne 1, re 'Mona a fihla lefatšeng. O tsoetsoe ke moroetsana, hantle feela seo Bibeletse se boletseng. O ile a emoloa popelong ea moroetsana.

<sup>88</sup> Ha se hobane moroetsana e ne e le molimo oa mosali joale, eèna . . . U re, “Ho ka thoenng ka Maria?” O ne a sa phethahala. E ne e le mosali, mosali ea joaloka mosali ofe feela, e seng molimotsana; mosali. Motho o itse, “Ha u hlajoe ke lihlong ho rialo?” Che, monghali!

<sup>89</sup> Shebang mona. O entse phoso kae? Khele, ke enoa o entse e 'ngoe. Mohla ba theohelang moketeng oa Pentekosta, 'me ba batho ba tsamaea leeto la matsatsi a mararo; 'me ba Mo fositse, batsoali ba Hae, eaba ba khutla ho Mo batla. 'Me ba Mo fumane Lengolong, a Le phehisana le baprista ka tempeleng. 'Me le shebe seo Maria a se buileng, hantle mono ka pel'a baprista bao, basomi bao. A re, “'Na le ntat'ao esale re U batla, ka likeleli.”

<sup>90</sup> Empa kamehla Lentsoe le otlolla phoso. E ne e le Lentsoe, Moshanyana oa lilemo tse leshome le metso e 'meli. Bohlale bona bo hlahlile kae?

<sup>91</sup> Hopolang, hantle mono o latotse bopaki ba hae. O itse Molimo e ne e le Ntate oa Hae; 'me mona o itse, “'Na le ntat'ao, Josefa, esale re U batla, ka likeleli.”

<sup>92</sup> A re, “Ana ha u tsebe Ke tsoanetse ho ba mosebetsing oa Ntate oa Ka?” Ua bona? Ua bona? Holane A bile le ntate oa Hae, Josefa, Josefa e ne e le ntate oa Hae, A ka be a betla menyako ea k'habinete le lintho. Ua bona? Empa O ne a le mosebetsing oa Ntate oa Hae, a otlolla Lentsoe la letsatsi leo. E ne e le Lentsoe. Amen. Le a bona, Maria o entse phoso, empa ha ho liphoso tseo A li entseng. E ne e le Ea phethehileng.

<sup>93</sup> Lemohang, mohla A ne a hlaha, ho holisoa, ho kolobetsoa ke Johanne, Moea o Halalelang oa theohela holim'a Hae, ho kena lefeelleng, ho khutla, bosebeletsi ba Hae bo qalile, pholiso. Monna o ne a le teng ea bitsoang Simone, 'me a tla le moena oa hae, Andrease, kopanong.

<sup>94</sup> Joale mamelang ka hloko joale, re tliš'o koala—ho atamela, 'me re bone seo A neng a le sona lekhateng leo. 'Me haeba "A buile le bontate ka baporofeta, matsatsing ana a qetelo ka Mora oa Hae," bonang hantle feela seo Molimo o leng sona kajeno, ho bona haeba A bonahatsoa ka ho tšoana.

<sup>95</sup> O Itsebahalitse joang? Na O theohile 'me a re, "Joale ke fetile sekolong. Ke apesitsoe Bachulara ea Art, Ph.D., LL., joalo-joalo. Ke itokiselitse bosebeletsi ba Ka"?' Che, monghali. Ha A etsa joalo. O kene feelleng, joaloka Johanne ha a entse, a tsoa a tlotsitsoe ka Moea o Halalelang.

<sup>96</sup> Shebang kamoo A Itsebahalitseng mohla A qalang a rera. Monna e mong, Andrease, esale a mametse Johanne, a tloha a tsamaea le Jesu ho fumana moo A neng a le teng, ho Mo sala morao ho theohela kopanong; ho tlisa moena oa hae, Simone. Hang hoba Simone a fihle ka pel'a Sefahleho sa Jesu, Jesu o itse, "Lebitso la hau u Simone, 'me u Mora Jonase." Hoo ho Mo tsebahalitse. Hantle mono lebitso la Petrose la fetoloa ho tloha ho Simone ho ea ho Petrose, e leng "lejoana," ea e-ba hlooho ea kereke, hamorao.

<sup>97</sup> Re ntano bona thaka le emeng mono, le bitsoang Filipi, a re, "Joale bea butle motsotso, re hlokile moporofeta lilemo tse makholo a mane. Moporofeta ea latelang, re tseba seo e tla ba sona."

<sup>98</sup> Ka hona a potoloha lithaba, limaele tse ka bang leshome le metso e mehlano, haeba u kile oa fihla mono ho tšoaea tulo eo, moo a fumaneng motsoalle esale a thuisa lithuto tsa Bibe le 'moho. E ne e le monna ea thata haholo, monna ea rutehileng haholo. Lebitso la hae e ne e le Nathanaele. Ka hona ntle le pelaelo, a ea monyako 'me a mo fihlela a se tlung ea hae hantle, e ka ba mohats'ae o itse, "O kantle koana moferong oa mohloaare oa hae, kantle mono o ntse a rapela."

<sup>99</sup> Ka baka leo Filippi, a susumetsoa ke seo a boneng se etsoa, boitsebiso bo phethahetseng ba Deutronoma 18:15, Moporofeta o ne a hlahlile! Ka hona a tloha, a kopana le Nathanaele, le ho re, "Nathanaele, tloo, u bone Eo re mo fumaneng." A se na nako ea ho qoqa maemo a leholimo le lintho. Molaetsa o ne o potlakile. Pelo ea hae e ne e tuka. Taba eo e a re imela joale, re tlameha ho etsa lintho tse ngata kantle ho *Sena*. 'Me ntho ea pele le a tseba, a re, "Tloo, u bone Eo re mo fumaneng, Jesu oa Nazaretha, mor'a oa Josefa."

<sup>100</sup> Tloong re ke re kenelle moqoqo oa bona ha ba ntse ba tsamaea lebōpong la leoatle. Ke utloa Filipi a re ho Nathanaele, "U tseba ralihlapi eo oa khale tlase mono, u a tseba?"

<sup>101</sup> "Oh, e—e—e moholo eo ea shoeleng nakoana e fetileng mona, Jonase?"

"Che, che. Mora oa hae, Simone."

102 “E, ee. Oh, ke hopola mohla ke rekang hlapi ho eèna. Be, ho ka thoeng ka eèna? Be, ha a na thuto e lekaneng ho tekana lebitso la hae. A sa khone le ho tekana rasiti ea ka.” (Bibele e mo tlalehile a ne a sa bala a sa ruteha, empa ba lemoha hoba o tsamaile le Jesu; ka hona re mo fumana a sa khone le ho tekana rasiti.)

103 A re, “Yaa,” ho re, “u a tseba ke’ng? Ha a fihla hantle ka pel’a sefahleho sa Monna enoa, Monna a sa mo tsebe, a ’molella hoba lebitso la hae e le ‘Simone, mor’a Jonase.’” Ho re, “Na eo ha se Messia? Na eo ha se moporofeta? Na eo ha se Deutronoma 18, Mangolo a phethahalitsoe? Sala bophelo ba Hae morao; re phela letsatsi lefe? Re a phela, re lebeletse Messia eo ea tlang. Rona bohle Baheberu re joalo. Ha se eona?”

104 “Ah, joale bea butle motsotso,” ho rialo Nathanaele, “Ke tla tlameha ho fumana.”

“Be, ho ke ke ha makatsa haeba A sa tl’o u tseba.”

105 “Huh-uh, e re ke e bone. E re ke etele e ’ngoe ea likopano ke e bone e etsoa.”

106 Ho lokile, o kena hantle kopanong moo Jesu a emeng. A re, “Bonang Moiserale, eo ho seng mano ho eèna!”

A re, “Rabbi, U ntsebella kae?”

107 Ho re, “Le pele Filipi a u bitsa, u sa le tlas’a sefate, Ke u bone.” E ne e le eona. E ne e le eona.

108 Hoo ke’ng? “Jesu Kreste eèna maobane, kajeno, le kamehla.” Le a bona, O Itsebahalitse, Lentsoe.

109 ‘Mali enoa o itse’ng? “Rabbi, U Mor’a Molimo. U Khosi ea Iseraele.”

110 Empa ba bang ba emeng mono, ba sa kang ba e lumela. Ba itse, “Monna enoa ke Belsebule.”

111 Jesu o itse, “Ke le tšoarela hona, ho bitsa Moea oa Molimo ‘ntho e sa hloekang,’” hobane pheko e ne eso etsoe. “Empa mohla Moea o Halalelang, Eèna Moea o Halalelang. . .” *Ke leemeli la motho; athe, e seng mohopolo; Motho!* “Mohla Eo Moea o Halalelang a tlleng ho etsa hona hoo, lentsoe le le leng khahlano le Oona le ke ke la tšoareloa.” Hopolang, esale Eèna maobane, kajeno, le kamehla, Lentsoe le bonahalitsoeng le entsoeng nama. Re Mo fumana mono, joale, bao e ne e le Bajuda.

112 Merabe ea batho e meraro feela. Re ka ba le khethollo ea rōna le—le kopanelo, le sohle seo le se batlang, ke . . . ha se thahasello ea ka. Ke mohlanka oa Kreste, ea sebeletsang batho bohle. Empa, mamelang, e re ke u bolelle. Shebang mona. Mojude e ne e le eo, Molichaba, le Mosamaria.

113 ‘Me le shebe Evangelii, ha e bua ka Petrose ea tšoereng linotlolo. O e butse ka Letsatsi la Pentekosta, ho Bajuda. Filippi a theoha ’me a kolobetsa Basamaria, ’me a leleka matemona, Moea o Halalelang o ne o eso theohele holim’a bona; Petrose a theoha

a ba bea matsoho, ba amohela Moea o Halalelang. 'Me tlung ea Kornele, Balichaba ba O amohetse.

114 Joale, Balichaba, rona Balichaba, rona Anglo-Saxon, re ne re sa lebella le Messia oa letho; re ne re le bahetene, re jere melamu mekokotlong ea rona, re ne re rapela melimo ea bohata. Empa Mojuda le Mosamaria ba ne ba lebeletse Messia.

115 'Me O tla feela ho bao ba Mo batlang. Hopolang seo ka kopanong ena, O tla kopana le ba Mo shebeletseng feela!

116 Qetellong, eaba O hloka . . . o ne a ea Jeriko tsatsi le leng, 'me a hloka ho pota le ka Samaria, ke holimo lithabeng. A theohela sebakeng . . . Joale, re 'Mone a Itsebisa e le ea boMessia, ho bontša pontšo ea Hae ea boMessia, 'me ba e nyefola. Ka hona O hloka ho pota le ka Samaria, ba ne ba lebeletse Messia, hape. Eaba O fihla motseng o bitsoang Sikare, ho ella hora ea leshome le metso e 'meli.

117 Seliba, se sa le teng mono, ba lula fatše pel'a sona feela, ka ntle ho khoro ea motse. Moo, pompo ea bohle e teng mono, bohle ba tla ho kha metsi a bona; ha se pompo, ba mpa ba e lepeletsa ka toloki 'me ba hule metsi. 'Me ba tšoere linkho tse kholo tseo, e sa etsoa le kajeno. 'Me le bua ka sekala, lōna basali ba bang le tsamaea ka libuka hloohong? Eka le ka bona kamoo basali bao ba ka behang digalone tse hlano holim'a hlooho tsa bona, le e 'ngoe nokeng ka 'ngoe; le ho tsamaea feela, ho bua, le ho e leka-lekanya hantle feela ka ho phethahala.

118 Le ho theoha, ho ella hora ea leshome le motso o mong motšehare, ba fihla mono har'a mpa ea motšehare, 'me O rometse barutuo a motseng ho reka lijo.

119 'Me mosali o ne a le teng motseng, a nyehlile mekhoha, a sa lumelloa ho kōpana le basali ba bang bohle, eaba o tsoela selibeng ho kha metsi. 'Me a se a tla theola nkho ea metsi, a sheba, ho lutseng pel'a lebota, ho Monna ea buileng le eëna, ho re, "Mosali, Mphe metsi."

120 Joale, ba ne ba ena le khethollo e phethahetseng, Bajude le—le Basamaria. 'Me a Mo tsebisa, ka potlako ruri, hore—hore e ne e se moetlo ho Monna oa mofuta oa Hae ho kopa mosali ea joalo, oa Mosamaria, mohau ofe, hoba Bajuda le Basamaria ba ne ba sa utloellane, ba ne ba sa rua lintho ka kopanelo. A re, "Empa holane u tsebile Eo u buang le eëna, u ka be u kopile metsi ho 'Na, 'me Nka u be ke u file metsi ao u sa tlang ho a kha mona."

121 O ne a etsa'ng? A hokahana le moea oa mosali. E ne e le moporofeta. 'Me puisano e le hore na ba tla rapela Jerusalema kapa thabeng. O itse, "Ntate o batla bao ba rapelang ka Moea le 'Nete."

122 'Me A tsoelapele ho fihlela A fumane bothata ba mosali. A theoha hantle ho fihlela A fumane bothata ba hae. Bohle re tseba seo e neng e le sona, ea balang Bibe, Santa Johanne 4. Ra

fumana'ng? A e-na le banna ba bangata haholo. A re, “Ea lata monna oa hao le tle koano.”

A re, “Ha ke na monna oa letho.”

A re, “U boletse 'nete, hoba u bile le ba bahlano.”

<sup>123</sup> Shebang phapang ea mosajana eo le baprista bao letsatsing leo. A re, “Monghali, kea lemoha hobane U moporofeta. Joale re hlokile e mong ka lilemo tse makholo a mane. Kea lemoha hobane U moporofeta. Rea tseba Messia mohla a tlileng, O tla etsa hona hoo.” Na ho joalo? “O tla re bontša lintho tsena. O tla re bolella sena.”

A re, “Ke 'Na, ea buang le uena.”

<sup>124</sup> Mono keha ho lutse Monna oa tloaelo feela, a le lilemo li mashome a mararō feela; a shebahala a le mashome a mahlano, hoba ba sa tsoa bolela, ho Santa Johanne 6, “U Monna ea seng ka holim'a lilemo tse mashome a mahlano, 'me u re U bone Abrahama, joale re a tseba U na le motemona.”

Empa O itse, “Pele ho Abrahama, KE TENG.”

<sup>125</sup> 'Me, yaa, E ne e le eo, mothaka e mocha feela, mohlomong a se a pulufala litelu, mosebetsi oa Hae; 'mele oa Hae oa motho o ne o tšerema, “ho se botle boo re ka khahlisoang ke bona ho Eèna,” letlalo la khale la qibi hape; empa se neng se le kahara ona e ne e le Shekina, se neng se le kahara lona e ne e le Molimo. Molimo! E ne e le eng? Ke eo moo A tsebahalitsoeng, Lentsoe la Molimo, ho tseba merero ea pelo ea bona. Le a bona, leo e ne e le Lentsoe la Molimo. E ne e le Lentsoe la Molimo.

<sup>126</sup> 'Me Lentsoe la Molimo le sa ntse le etsa hoo, hoba esale Eèna maobane, kajeno, le ka mehla. U a e fumana, ho e fumana mohopolong oa hao joale? Lemohang, “eèna maobane, kajeno, le kamehla.”

<sup>127</sup> A matha a kena motseng, le ho re, “Tloong, le bone Monna ea mpoleletseng seo ke se entseng. Na Enoa ha se eèna Messia?”

<sup>128</sup> Haeba e ne e le pontšo ea Messia eo, ho Mojuda le ho . . . le ho—ho Mosamaria; 'me ha A hlomphe motho, eèna maobane, kajeno, le kamehla; 'me eo e ne e le qetello, mohla Molimo o khaotsang ho sebetsa le Bajuda le Basamaria. 'Me ena ke pheletso ea lekhathe la Balichaba, mohla A tlileng ka bahlabolli le ba joalo, ho fihla qetellong, le ho tšepisa, “Joaloka matsatsing a Abrahama, ho tla ba joalo mohla Mora motho a senoloang Balichaba tsatsing la qetelo.” O tla boela a khutla.

<sup>129</sup> Li ngata tse ka boleloang mona, empa e reng ke potlake joale hobane ke—ke hora ea borobong, ka moraonyana feela. Re tla tsoa ka mashome a mararō ka morao ho robong, ha Morena a ratile.

<sup>130</sup> Lemohang, moporofeta o boletse, koana ho Zakaria 14:6, “Ho tla ba le letsatsi le ke keng la bitsoa motšhare kapa bosiu,



empa e tla ba letsatsi la tšarelo; empa nakong ea mantsiboea, Leseli le tla chaba.” Joale shebang, ka potlako. Ha ho Lengolo le ka robjoang. Le tlameha ho phethahatsoa lohle.

<sup>131</sup> Joale letsatsi le chaba joang? Le chaba hokae? Bochabela. Le likela kae? Ka Bophirimela. Tsoelopele e haotse le letsatsi, 'me le Evangeli e entse joalo. Le a e tsoara? Joale re khutletse hantle Lebopong la Bophirima joale hape. Ha re ka tsoela pele, re khutlela Bochabela hape, ho parola hantle ho potoloha Pasifiki ho ea Bochabela hape; ha ho letho ka mono, le a bona. Joale tsoelopele e tsamaile le letsatsi.

<sup>132</sup> Evangeli e tšetse metsi. E tsoa—e tsoa Meditereniane, 'me ea parola ea kena, ho tsoa ho Santa Pauluse, ho ea Jeremane; ho tloha Jeremane, ea mochoporo oa Manyesemane, ho ea Engelane; ho tloha Engelane, ea tšela Atlelantiki, ho ea United States, 'me joale e khutletse Pasifiki.

<sup>133</sup> Shebang, lona letsatsi le chabang Bochabela ke lona letsatsi le likelang Bophirimela, s-u-n. 'Me 'ona Moea o Halalelang o theohileng ka Letsatsi la Pentekosta, ka Bochabela . . . Joale esale e le letsatsi le ke keng la bitsoa letsatsi, ke tšarelo, letsatsi le saretsoeng, pula e a na; u e bona mona Kansas, pula e nang, tšarèlo. Re chabetsoe ke leseli le lekaneng ho—ho ingolisa kerekeng, le ho etsa lintho tsena, leseli le lekaneng ho tsamaisoa ke lona ho kena, empa O itse, “Nakong ea mantsiboea, Leseli le tla chaba, Mora o tla boela a khutla.” 'Me Moea o Halalelang o khutla matsatsing ana a qetelo ka botlalo hape ba matla a Molimo, Lentsoe le bonahatsoang! Ka Lutherane . . .

<sup>134</sup> 'Me joaloka e—joaloka piramide e holang. Lutherane, hlabollo ea pele; Wesley; Pentekosta; 'me joale e faloa hantle kahare. Hoba, mohla Lejoe la Sehlooho le khutlelang piramideng, e tla lokela ho khohlelana le ntho eohle. Ha u khone le ho sunya lehare la thipa lipakeng tsa eona, e phethahetse haholo. 'Me ho tla ba joalo le ka bosebeletsi matsatsing a qetelo, bo tla bapa hakana.

<sup>135</sup> Joaloka letsoho la hau—la hau e le posetifi, 'me e—e seriti sa letsoho la hau e le neketifi; ha li fetoha, ka mora nakoana, li eba ntho e le 'ngoe. Li eba joalo. 'Me le Kereke e-ba joalo, Monyaluoa o fetoha Krete, ba eba bang, joaloka monna ofe le mosali. Le a bona? O theohela hantle matsatsing a qetelo, 'me athe re leka ho phela liphalaneng tsa letsatsi le leng? E sa le Eena maobane, kajeno, le kamehla, ho Mo tsebahatsa ka phethahalo le Baheberu 13:8, “Jesu Krete maobane, kajeno, le kamehla.”

<sup>136</sup> Hola re ne re ka phela morao mongoaheng oa Lutherane, re sheba morao mona ho—ho mongoaha oo, re bona hantle, mongoaheng oo oa Sarda, hore Luther e ne e le moromuoa eo, ka nepo feela, ka pere e tsoileng, ka tse ling tsohle tse keneng mongoaheng oo.

<sup>137</sup> Re fumana mongoaha oa Wesele, mongoaha oa Filadelfia. Re fumana mongoaha o moholo oo oa tsoseletso o tsoileng, lerato la boena, re fumana Wesley hantle nqalong eo Bibeletse e 'moletseng a ne a tla ba ho eona.

<sup>138</sup> Re fumana kajeno hantle feela moo A boletseng A ne a le teng. Ke hora, nako eo re phelang ho eona.

<sup>139</sup> Mamelang, Bagerike bao ha ba ka ba 'Mona. Hobaneng? "Benghali, re rata ho bona Jesu." Ba sitiloe ho 'Mona hobane O ne a apere tempele ea Hae ea motho, Molimo ka ho motho. Nama ea motho ke eona e ba fofalitseng. Ha ba ka ba utloisisa. "Uena, u leng motho, u Iketsa Molimo, kapa ea lekanang le Molimo."

<sup>140</sup> A re, "Be, efela haeba le ba bitsa ka molao, 'me Mangolo a ke ke a robjoa, le ba bitsa 'melimo,' e ne e le eona, bao Lentsoe la Molimo le tlileng ho bona."

<sup>141</sup> Ka hona, Ke botlalo ba Lentsoe leo, Lentsoe le neng le etselitsoe letsatsi leo, Mora oa Molimo, Molopolli; mohlala Molimo, ka Sebele, A ne a fihla lefatšeng le ho aha ka ho Motho, ho nka lefu holima Hae, ho lopolla tsohle, Sefate seo se tsoang tšimong ea Edene, e seng mosali; Monna, Adama oa bobeli ea shoeleng 'me a kena mobung, ho ntša motloang oo, amen, mahlaku ao a oeleng morao koana, ho a hlahisa tsohong. Ho ka boleloa tse kae ka eona, ho ka re qosa lihora!

<sup>142</sup> Empa re mona lethebeng joale. Balichaba ba letsatsi leo ba sitiloe ho E bona, hobane E ne e le nameng ea motho. Ke a ipotsa na re ka etsa ntho e tšoanang. Ke a ipotsa na re ka etsa phoso e mahlonoko eo ba e entseng, ho se Mo tsebe? Hobane, E ne e le eena, Eena Lentsoe la mongoaha oo, le ne le bonahatsoa 'meleng oa motho. Moshanyana ea neng a se na thuto, athe ha re a Mo tseba a kene sekolo le ka mohlala. Re ne re se na litšoanelo tseo A tsoileng mokhatlong ofe feela oa letsatsi leo; ho se thuto. Ha ho seriti sa letho, empa, "Monna oa lehlanya, o lemaletse ho noa veine, motsosalle oa baetsalibe, Monna ea hlanamisang lefatše; tsoalo ea bonyatsi, 'm'ae a emolisitsoe ke lesole, 'me a nka lebitso la Hae joaloka Mora oa Molimo, kapa a Ipitsa moporofeta, Mogalelea enoa, eo ho thoeng ke moporofeta."

<sup>143</sup> Empa Lentsoe le ile la bonahatsoa! "Ba Mo amohetseng, O ba neile matla ho ba bara ba Molimo." 'Me ho a tšoana le kajeno, ha re bona khato e khōlō ena ea Moea o Halalelang e bonahatsoa. "Ba Mo amohelang, O ba neile matla a ho ba bara le barali ba Molimo." Jesu Krete o tsebahalitse ka ho tšoana, ka Lentsoe la Hae, molokong o mong le o mong.

Ha re inamiseng lihlooho tsa rōna.

<sup>144</sup> Metsoalle ea Bakreste, ke batla ho le botsa, ha re emeng re nahane nakoana feela. Na ena ke 'Nete kapa na ke phoso? Na ke eona? Haeba e le 'Nete, re namile ho eona ka sohle. Re ea kae? Ntho ena e emisa kae? U ka kholiseha joang hore u nepile? Joale, "tšimolohong, E ne e le Lentsoe," 'me Lentsoe le senola mohopolo

o pelōng. Le entse joalo ka baporofeta, Le entse joalo ka Kreste, 'me O e tsepisitse matsatsing a qetelo, hoba esale Eena maobane, kajeno, kamehla.

<sup>145</sup> Ntate oa Leholimō, nka Lentsoe la Hao, Le behe pelōng ea motho, hore bao... batho bohle 'moho, bosiuong bona, sehlotšoana sena sa batho kante mona. Rea eelloa, Morena, hore re—re phela meriting ea ho Khutla ha Hae, 'me meriti e eketsa ho loea, selemo le selemo. Re bona lipontšo li hlaha, lipono tse nyarosang. Re bona likoranteng le limakasineng. Khoeli e fetoha mali. Re utloa lithothomelo tsa lefatše kamahohle, ho phatlola lefatše lohle.

<sup>146</sup> 'Me, joale, ka tsatsi le leng ea sisinya lefatše lohle, mohla Mora Molimo a na a latoloa semolao. 'Me joale re fumana sehlopha se sehlo, se bitsoang Mokhatlo oa Likereke tsa Lefatše, ba Mo ntšitse semolao, joalokaha ba boletse ho (sena) Mongoaha oa Laodisea, "O ne a le kante ho kereke, a kokota monyako, a leka ho kena." 'Me joale re fumana tšisinyeho e 'ngoe ea lefatše e otlile sena, e seng lichaba tse ling, sechaba sena, ho sisinya lefatše lohle; Jesu o lelekiloe semolao. 'Me O eme a kopa, bosiuong bona, ho tsebahatsoa ka ho hlaka, eena maobane, kajeno, le kamehla.

<sup>147</sup> Balumeli ba ke ba e bone. Bao ba kulang ba e bone, Morena. Bao ba mona bosiuong bona ba tsebe ho ama seaparo sa Hae, joaloka ha ba entse matsatsing a fetileng. Folisa bakuli, le ho pholosa ba lahlehileng, re e kopa ka Lebitso la Jesu Krete. Amen.

Molimo a le hlohonolofatse.

<sup>148</sup> Joale motsotso feela bakeng sa mola oa thapelo. Re saletsoe ke metsotso e leshome le metso e mehlano hantle, ho tsoa ka nako. Joale sohle seo nka se buang, 'na ke motho, mantsoe a ka a ka hloleha joaloka motho ofe, kaofela ha rōna. Ke le paketse bosiuong bona, hore moporofeta e mong le e mong, ntho e 'ngoe le e 'ngoe, ba entse liphoso tsa bona. Empa Molimo ha o etse liphoso. Lentsoe la Oona ke 'Nete. Ke ba bakae ba lumelang hore Ke Lentsoe? [Phutheho e re, "Amen."—Mohl.] Molimo a le hlohonolofatse. Ke hona moo tumelo ea ka e hahuoang teng, ha se holim'a letho haese Mali a Jesu; 'me, hantle, Jesu ke Lentsoe.

<sup>149</sup> Joale kea kholoa Billy o itse... Na o abile litlankana tsa thapelo? Na—na ho ntšitsoe litlankana tsa thapelo? Ke ne ke sa tsebe. O—o itse, pele, ha a hopola ba tlile 'me ba aba letho. Empa haeba ba abile likarete tsa thapelo, re tla hlophisa molanyana oa thapelo.

<sup>150</sup> Motho e mong, na setlankana sa thapelo sa 'ngoe se teng mona? Ha re boneng ke mang ea tšoereng setlankana sa thapelo sa 'ngoe. E, u tšoere sa 'ngoe? Che. Setlankana sa thapelo sa palo ea 'ngoe, se tšoeroe ke mang? Na setlankana sa thapelo sa 'ngoe se teng? Be, mohlomong ha a se ntša ho qala ho 'ngoe. Ba bakae...?

Huh? [Motho o re, “E mong ke enoa.”—Mohl.] Oh, na se teng? Yaa. Ho lokile, setlankana sa thapelo sa palo ea ’ngoe, nyolohela koano u eme mona ho ’na, setlankana sa thapelo sa palo ea ’ngoe.

<sup>151</sup> Palo ea peli, ke mang ea tšoereng palo ea peli? Palo ea tharo. Metsotso e ’maloa feela joale, re. . . Palo ea tharō, ke mang ea tšoereng setlankana sa thapelo sa palo ea tharō? Shebang, motho o teng mona holim’a lempara, motho a shebe setlankana sa hae, haeba ba tšoere se seng. Palo ea tharō. Palo ea ’nè, nè, ke mang ea tšoereng setlankana sa thapelo sa palo ea ’nè?

<sup>152</sup> Ke karetenyana. Mora oa ka kapa e mong sehlopheng o ee a theohe ’me a nke likarete tsena, ka pel’a lona, le ho li tsoakanya kaofela, ’me ba ntoo le abela tsona. ’Me hape ha ke. . . Hoo ho a bontša. . . Khetlo le leng re fumane batho ba lehang ho rekisa likarete tsa thapelo, ’me li tsebahalitsoe joalo ke hona, hore u ke ke—u ke ke oa li rekisa; hoba a ke ke, ha u tsebe ea nyolohelang mono. Ha ke fihla mona, ha ke qale ka palo e itseng. Ke qala hohle. Vekeng ena, le tla eelloa, ke tla fapanya lintho, ho ea pele le morao, le holimō le tlase, ho nka litlankana tsena tsa thapelo, u a bona. ’Me ka mokhoa oo re sebetsa joalo, ho tlaleha hore mang le mang letsatsi ka leng, ho aba likarete, hore batho letsatsi ka leng ba tle ba fumane monyetla oa ho kena.

<sup>153</sup> ’Ngoe, peli, tharō, ’nè, hlano. Ke tla ba bitsa a le mong ka nako, hoba ha ke batle motho ea sa utloeng ’me ba re, “Khele, ha ho motho ea mpoleletseng,” u a bona, ’me ba tlotsoe ke malulo a bona moleng oa thapelo. ’Me mohlomong, ka setlankana sa thapelo, ba ne ba sa tl’o ba nea se seng, ua bona.

<sup>154</sup> Setlankana sa thapelo sa palo ea hlano, ke mang ea se tšoereng? ’Ngoe, peli, tharō, ’nè, hlano. Setlankana sa thapelo sa hlano? Hoo ho itoketse. Haeba u kholisehile u tšoere hlano ruri, nyolohela mono. Hoo ho itoketse. Palo ea tšelela? [Sekheo lebanteng—Mohl.] Leshome le motso, setlankana sa thapelo sa leshome le motso. ’Ngoe, peli, tharō, ’nè, hlano, tšelela, supa, robeli, robong, setlankana sa thapelo sa leshome, le leshome-’ngoe.

<sup>155</sup> Shebang joale, e ka ba setholo sa motho. Sheba setlankana sa moahisane oa hao. Hohle ka mathoko, kea kholoa ba lubakane kahohle mona. Ho lokile. Ba bakae mono, Roy? Ba baleng ’me le bone. Leshome-’ngoe? Leshome-peli, leshome-tharō, leshome-’nè, leshome-hlano. ’Ngoe, peli, tharō, ’nè. . . Leshome-hlano. Ho lokile. Ha re emiseng hantle mono motsotso feela, hoba nako ea rōna ha e ngata.

<sup>156</sup> Joale ba sa tšoarang setlankana sa thapelo ba bakae ’me le lumela Molimo a tla le folisa, phahamisa letsoho la hao. Molimo a u hlohonolofatse. Ke hantle, e ba le tumelo eo. Joale hopolang, metsoalle, ba sa ntse ba itokisetsa mola oa thapelo, joale, le se—le se—le se ke la phethesela joale, metsotso e latelang e leshome

kapa e leshome le metso e mehlano, ho fihlela re itokisa, hobane, le a bona, u moea.

157 Ke batla ho le botsa taba. Ke boletse, 'me ke balile bala Lengolo, hore esale Eèna maobane, kajeno, le kamehla. 'Me ka nakoana, ha eso etsoe ka qalo, ho le bontša hore O loketse ho fumana ntho eona ena hape matsatsing a qetelo. Ke ba bakae ba lumelang hoo? Malakia 4 le sohle se tlamehang ho khutla hape, Eena hape o a theoha 'me a Iponahatsa ka Molaetsa oa boporofeta, ho busetsa lipelo tsa bana Tumelong, ea boapostola, Tumelo ea Pentekosta ea bontate. Ke sona se tlamehang ho etsoa. E seng tumeloana ea mofuta; empa morao Tumelong ea mantlha. Joale re lumela seo ka pelō eohle ea rōna.

158 Joale ba bang ba lona mono ba se nang setlankana sa thapelo. Joale, hopolang, ke mohlanka oa Oona 'me u mohlanka oa Oona, Molimo ka ho 'na le Molimo ka ho uena. U a hloka, 'me 'na ke mona ho u sebeletsa, ho e kopanya 'me e etsa Molimo.

159 Joale, mosali e monyenyanane, ka mohla o mong. E reng ke le fe Lengolo le leng, ke a kholoa le ho Santa Johanne, hape. Ho ne ho le mosali e monyenyanane eo, a le teng, a jeoa ke phallo ea mali. Ha re re o ne a se na setlankana sa thapelo, 'me o ne a batlile ho rapelloa. Empa mono keha ho eme ba bangata, keha a sa khone ho kena moleng. Ka hona a re, "Ha nka ama seaparo sa Hae feela, ke tla fola." Ba hopolang pale eo ba bakae? Khele, ehlile. 'Me eaba o etsa'ng? A fohla bongata boo 'me a ama seaparo sa Hae.

160 Joale, seaparo sa Palestina se leketla se lokolohile, 'me se na le seaparo sa ka hare, hape, hobane lerole le lithong, u a tseba, ka hona ke e . . . ho leketla ka bolokolohi. Joale o ka ama jase ea motho, 'me a ke ke a e utloa, moleka oa baki ea hae feela. Empa ho ka thoeng ka seaparo se seholo seo, se setenya, se boima sa Palestina, se lepeletseng maotong a Hae, le a bona? Ha A ka ba a utloa seo, ka nama.

161 Empa a ama seaparo sa Hae 'me a khutlela har'a letšoele. Ha re re o ile a lula fatše. E ka ba o ile a ema, empa ho re o ile a lula fatše. Ha etsahala'ng? Jesu a ema a re, "Ke mang ea Nkamileng?"

162 'Me, le a tseba, Moapostola Petrose a hopola e le bosaoana bo bo kakang, ho fihlela batho . . . Khele, a Mo khalemella eona. Ka mantsoe a mang, ekaba o itse, "Khele, sheba, mang le mang o a U ama. Ba tla nahana sena, 'U hliile u phoso kelellong.' Ua bona? Khele, mang le mang o leka ho U ama, Rabbi."

163 A re, "Empa Kea lemoha hobane Ke ile ka fokola. Molemo," ao ke matla, "o tsoile ho 'Na."

164 Mosali a le mong eo joale o hutse matla ho tsoa ho Eèna. A qamaka har'a letšoele 'me A fumana moo a leng teng, 'me A 'molella bothata ba hae le se hlahlileng. Biblele e boletse, "Hona joale ke Moprasta e Moholo ea ka angoang ke maikutlo a mahlomola a rōna." Na ho joalo? Joale haeba u e-na le tumelo eona eo ho Jesu eo, e tla u etsetsa eona ntho eo.

165 Joale le apare tšabo ea ruri. Rapelang. Le se belaele. Lumela ka pelo eohle ea hao hore Jesu Kreste ke eèna maobane, kajeno, le kamehla, 'me O tla u abela mahlohonolo ana.

166 Joale, Ntate, lumella Moea o Halalelang oa Hao o moholo ho re senolela Lentsoe le entsoeng nama, nama ea bona le nama ea ka. 'Me Lentsoe le tšepiso ea Evangeli ea bosiuung bona, e reriloeng, li tolokoe ke Moea o Halalelang o moholo ka Sebele, hoba O tšepisitse A tla ba le rōna. 'Me esale Eèna maobane, kajeno, le kamehla. Ka Lebitso la Jesu Kreste, re ineela ho Uena, le Molaetsa 'moho, U tle u thasisetse Lentsoe ka lipontšo tse latelang, joaloka ha U entse ho latela Mareka 16. Amen.

167 Joale e mong le e mong ka tšabo ea ruri. Le se ke la phethesela hleng. Lulang le khutsitse tu, ua bona. Joale, hopolang, ka linako tse ling rea thulana. Ke ba bakae ka mona ba tsoetsoeng labobeli, ha re boneng matsoho a lona. Be, hoo ho itoketse, le tseba seo ke buang ka sona.

168 Joale, na enoa, ke mofumahali? Enoa ke mofumahali oa pele moleng. Ho lokile. Joale, 'na le mofumahali enoa, kamoo ke tsebang, re basele, setšoantšo se setle haholo sa Santa Johanne, khaolo ea 4. Jesu o kopane le mosali selibeng sa Samaria, pepeneneng ntho e kang ena, khetlo la pele ba kileng ba kopana bophelong. 'Me ho ea kamoo ke tsebang, lena ke khetlo la pele re kopana. Ha re tsebane. Haeba e le 'nete, e le hore batho ba bone hoba ke 'nete, phahamisa letsoho la hao feela. Ka hona ua bona, ke rōna bana, khetlo la pele.

169 Joale haeba E le oa maobane, kajeno, le kamehla, joale ho bua le mosali, kamoo A sebelitseng ho mosali selibeng, e ne e tla ba ho fumana seo a se entseng, kapa ntho e phoso ka eèna, kapa ntho e 'ngoe holim'a . . . ntho eo ke sa tsebang letho ka eona, 'me e tla senolela eena. Etsoe, ha ke eso 'mone, ke mpa feela . . . khetlo la pele ke kena motseng ona le ka mohla. 'Me ke mona feela, ke molata. Joale na hoo ho tla fetola Jesu Kreste eèna maobane, kajeno, le kamehla? Na hoo ho tla fetola Lentsoe mohoahloli oa mehopolo e ka pelong? Ua bona? Ua bona? E tla Mo etsa eèna maobane . . .

170 'Me matsoho a ka ke ana, le Bibe le ea ka, ha ke eso bone mosali eo bophelong ba ka. Molimo o tseba seo. Ke mosali feela ea emeng mono. Ha ke—ke tsebe letho ka eèna haese molata oa maemo ka ho fetisisa ka mona, ho eèna. Ke 'nete, 'me o tseba seo.

171 Ha ke mo tsebe; empa O a tseba. 'Me Ke Lentsoe, 'me Lentsoe le senola lekunutu la pelō, le bolela lintho, liphoso, le 'molella taba. Haeba a sitiloe, e sa boleloa tlas'a Mali, O tla 'molella ka eona. Haeba e le moikaketsi, O tla 'molella ka eona. Haeba e le molumeli, O tla 'molella ka eona. Ha phoso e le teng nameng, ho 'molella ka eona. Haeba e le ntho e 'ngoe bakeng sa ho hong, O tla 'molella ka eona. A ka etsa hoo hohle, hobane Ke Molimo. O tseba lintho tshohle. Ha ke tsebe; ha a ntsebe 'me ha ke mo tsebe.

Joale haeba A e senola joalo, u a tseba esale Lentsoe, Baheberu 4:12, “Lentsoe la Molimo le senola makunutu a pelōng, le tseba maemo.”

<sup>172</sup> Joale ha Molimo o ka—o ka re senolela sena bosiuung bona, khaitseteli, 'na le uena re sa eme mona 'moho, joale u tla—u tla tseba hore e ke ke ea e-ba 'na. E tla lokela ho ba Eëna. Joale ke batla ho qoqa le uena motsotso, hobane ka ho bua Lentsoeng tjena, khele, kea rera, ua bona, ebe kea khutla. Ke bua le uena joalokaha A entse ho mosali selibeng, ho qoqa le eëna hofihlela A fumane bothata ba hae. Joale ha Molimo o ka ntšenolela bothata ba hao, be, u tla tseba haeba e le 'nete kapa che.

<sup>173</sup> 'Me na bohle le tla lumela? Motho ea tsebang mosali kantle mono? Phahamisa letsoho la hao haeba batho ba le teng. . . Oh, e, batho ba bangata ba mo tseba. Yaa. Ho lokile.

<sup>174</sup> Joale Morena Jesu a abe sena, ua bona. E ne e sa tl'o ba Lentsoe le reriloeng feela, e ne e tla ba Lentsoe le entsoeng nama, ho bua, ho senola. Joale Bibeletse ha e re u tla be u eme mona, le seo bothata ba hao bo leng sona, le tsohle ka eona, le morero oa hao mona, kapa seo u se entseng. Ha E rialo. Empa Lentsoe le a theoha, hoo ho tsebahatsa sebui, u a bona, hoo, Lentsoe la Molimo. Ka hona Molaetsa o lokile, ke moo Molimo o tsebahatsang Molaetsa e le 'Nete. Kolobetso ea Moea o Halalelang le Evangeli e tletseng eka khona e be 'Nete ke hona, haeba e tsebahalitsoe e lokile.

<sup>175</sup> Ntho e le 'ngoe, u hlile u linerefe kahohle, u hlile u linerefe. U ferekantsoe ke ho hong. Ke hantle. U tšoentsoe ke hona. U bile le sena nakoana. 'Me seo e leng sona, ke maemo holim'a sephaka sa hao. Ke holim'a sephaka sa hao se setona. U tšohile hore ke mofetše. O u tšoenya ka hohle. Lehlakore le letona le hlile le senyehile ka botlalo. U jeoa ke mala, a u kulisa. Haeba e le 'nete, phahamisa letsoho la hao. U se ke ua tšoha, lumela feela 'me O tla u phekola. U a e lumela na? [Khaitseteli o re, “Amen.”—Mohl.] Ho lokile, tloha u ntse u leboha Molimo ka eona, 'me u fole. Morena a u hlohonolofatse. Ke batla ho u bea matsoho feela.

<sup>176</sup> Na u a lumela esale Eena maobane, kajeno, le kamehla?

<sup>177</sup> Joale setšoantšo ke sena hape, monna e mosoeu, mosali oa 'mala. Jesu Mojuda, eëna e le Mosamaria; ua bona, O ba tsebisitse hoba ha ho phapang ea morabe oa batho. Molimo o re shoetse bohle. Ke hantle. O a . . . “Molimo o bopile ka mali a le mang, lichaba tsohle.” Naha eo re holetseng ho eona, e fetola 'mala oa rōna, e ne e sa amane le se ka hare ho rōna ka letho. Yaa, ke hantle.

<sup>178</sup> Joale u Mokreste. Ka potlako ke utloa maikutlo a kamohelo, hore u Mokreste. Oo ke moea oa hao. Ho tla ba joalo ka ha A boletse, “Bonang Moiserale, eo ho seng mano ho eëna.”

<sup>179</sup> Joale, kea u bona esale u kula haholo. Hlahlobo e u paka u jeoa ke mofetše. Ke hantle. 'Me mofetše oo, na u lumela A ka

mpolella moo o leng teng? Ho latela lipalo-palo, mofetše oo o ka har'a colon. Haeba e le 'nete, phahamisa letsoho la hao. Joale u a tseba Ntho e u tsebang e eme mona. U a lumela O tla u phekola? Haeba tumelo ea hao e ka Mo hulela mono, ho ama seaparo sa Hae le ho senola sona seo A se entseng mohleng oo, ikele ke hona u lumele ho Eèna 'me u tla folisoa eona, 'me u phele. Ha u ka e lumela, lumela feela, habonolo hakaalo feela, khaitsetli, ho lumela feela. U se belaele.

<sup>180</sup> Kea kholoa ha re tsebane, le rōna, nqa e mong? Ha re tsebane. Molimo o re tseba bobeli ba rōna. U a lumela Molimo o ka ntšenoletla bothata ba hao? U a lumela A ka ntšenoletla bothata ba motho ofe kantle mono? U a e lumela na?

<sup>181</sup> Ba e lumelang kantle mono ba bakae?

<sup>182</sup> U nahanang ka eona? U lumela ka pelo eohle ea hao? Ka hona majoe a hau a nyooko ha a sa tla u hlopha. Ke—ke e utloa e fihla, ke “ne ke bala mohopolo oa batho,” ke ne ke batlile feela ha le ka bona hoba ha ke e etse.

<sup>183</sup> Ho lokile, u a lumela ke mohlanka oa Hae? [Khaitsetli o re, “Kea lumela.”—Mohl.] Ka pelo ea hau eohle? [“Ka pelo ea ka eohle.”] Ke a u leboha. U Mokreste. [“Ke eèna.”] E, u eèna, 'me ha u mohahlauli; Mokreste oa sebele, 'me u tsoetsoe labobeli. Ho lokile. U a lumela hore—hore 'na, ke leng moena oa hau, ha ke tsebe letho ka uena; empa Ntata rōna oa Leholimō, Ea re tsebang bobeli, a ka ntšenoletla bothata ba hao? [“Ke etsa joalo.”]

<sup>184</sup> Kea bona hore u bile le a mangata. O entsoe oporeishene, 'me oporeishene e ne e le ea mofetše. U sehile letsoele, ke hantle, 'me u sa ntse u tsoentsoe ke eona. U a lumela o tla fola ho tloha joale ho tsoella? Feta mona hantle, u lumela ka pelo eohle ea hao. 'Me Molimo a u hlohonolofatse, Morena Molimo a u folise. Ho ke ho . . .

<sup>185</sup> E bang le tumelo. Le se belaele. Le lumele ka pelō eohle ea lōna hore esale Eèna maobane, kajeno, le kamehla.

<sup>186</sup> Joale na u a lumela, mofumahali? Ha re tsebane. Ha ke u tsebe. Ha u ntsebe. Ha re tsebane ka botlalo. Empa ha Ntate oa Leholimō a ka ntšenoletla ntho e phoso, ntho eo o u e entseng, seo u nong u sa tlameha ho se etsa, kapa u nong u tsoanetse ho se etsa 'me u sa se etsa, e ka bang eng, leha e le eng, u tla lumela hobane esale Eèna maobane, kajeno, le kamehla. U a tseba e ne e tla tlameha e be Eèna ea tlang ho e etsa. Na ho joalo?

<sup>187</sup> U tsoenngoa ke—ke—ke khoabi, 'me hlahala eo e hlohong. U tšohile. Hantle. U a lumela e tla tloha joale, hore Jesu Krete o tla u folisa? Joaloka ha u e lumetse, ho tla ba joalo ho uena. E—ea u lumela. Amen. Molimo a u hlohonolofatse. Leetong la hao feela, lumela. U se ke—u se belaele. Lumela feela ka pelō eohle ea hao.

E ba le tumelo. Se belaele. Lumela ka pelō eohle ea hao.



188 Esale mala a hao a u hlopha. Bothata ba mala. U batla ho ea ja? Lumela. Ke eona.

189 U phela joang? Ha re tsebane. Ha ke u tsebe, ha u ntsebe. Empa e Mong o teng mona, ea sa bonoeng, empa o siretse lipakeng tsa rōna, ea tsebang bothata ba hao. Ke u bona u leka . . . Yaa, ke athritisi. U a lumela O tla u phekola ntho eo? [Khaitsemi o re, "E."—Mohl.] E-ea, u e lumele, 'me u ke ke ua holofatsoa ke eona ha u ka e lumela feela.

190 U na le lintho tse ngata tse u tsoenyang. Bothata ba mafumahali, ka nako e telele; hape, ntho e 'ngoe, ntho ea hau—ea hau ea sehlooho eo u e thahasellang ho folisoa, ke athritisi, hape. U a lumela O tla u phekola? Tsamaea, u e lumele. Ke phetho seo e leng sona, eba le tumelo feela 'me u se belaele.

191 Ke molata ho uena. Ha ke eso u bone bophelong ba ka. Mosali e mong o teng ea sa phetseng ho hlaha. Ha Molimo o ka ntšenolela ntho e 'ngoe ka uena . . . E-ea, e-ea, ke lethopa; le lebahaneng le oporeishene. Mosajana eo ea robetseng setulong seo o tobane le ntho eona eo, ke lethopa. U lumela ka pelo eohle ea hao? U etsa joalo? Molimo o tla le phekola bobeli ha u ka e lumela. Bea letsoho la hao holim'a hae. Ke eona. Ka Lebitso la Morena Jesu, ka Lebitso la Morena Jesu, u ke u fole, khaitsemi.

192 Ua bona, uena, ha ke khone ho hlalosa seo, metsoalle, u se nkope ho etsa joalo. Khatello, matla, e 'ngoe . . . Lethopa ke eng? Ke lethopa. Lethopa ke eng? Ngatafalo ea lisele. Uena u eng? Ngatafalo ea lisele. Lethopa ke eng? Ka hara Bibehe, le bitsoa liabolosi, motubi; ho 'mona a llela thuso, 'me hoo ha boela ha arabela. Le a bona, tse peli li a tsoana, 'me ke—ke sona se e entseng. Ho lokile.

193 Tloo, mofumahali. Ha re tsebane. U bile le boemo ba methapo ka nako e telele, bo entseng hore u be le boemo ba mala, bothata ba mala, seso sa peptic, ho baba ka mpeng ea hao, le meno a lometsang, joalo-joalo. U a lumela Jesu Krete o tla u phekola joale? [Khaitsemi o re, "Amen."—Mohl.] Ho lokile, tsamaea u je lijo tsa hao tsa mantsiboea ke hona. Lumela ka pelo ea hau eohle, Jesu Krete o tla u folisa. E lumele feela joale.

194 Ha re tsebane. Molimo o phela kae ka har'a motho? Ka pelong. Ke hona moo bothata ba hao bo leng teng, ke ka pelong ea hao, e seng ka lebaka la khaello ea Molimo. Empa ka ho lokolla tumelo ea hao, ho folisa bothata boo ba pelō, 'me u tla fola. E-ea, u lumela, lumela ka pelō eohle ea hao. Joale, u se belaele. E-ea, u lumela.

195 "Ha u lumela, tsohle li ka etsoa." Ke ba bakae ba lumelang ka pelo eohle ea lona? U a lumela Molimo o teng mona ho u phekola? Na u a . . . ? Na Lentsoe le entsoe nama? Ke eng? Joale, ho sa tsoetelehe na ke lumela hakae, u tlameha ho lumela, le uena. Ua bona, mosali eo o amile seaparo sa Hae, o lumetse.

196 Monna ke enoa o lutse mona a nchebile. O na le li-hernia le li-hemorrhoids. U a Lumela Modimo o tla U folisa? Haeba u e etsa, u ka fumana seo u se kopileng.

197 Motho e mong ka mona ea lumelang Molimo o folisa bakuli le ba mahlomoleng? Na le lumela Lentsoe, bosiuung bona, le tseba lekunutu la pelō? Na le lumela seo? Ho lokile. Hona joale ke hona re hlile re siiloe ke nako.

198 U ka lumela see joang? Joale u a tseba Lengolo leo le a hlakisoa, u se lumelle lesira la nama joale ho u hlopha, u a bona. Hopolang, ke Lentsoe la pallo la kajeno. Ba e utloisisang ba bakae? Lentsoe la pallo. Ha ke tsebe hore le bone boetsisi bo bo kae. Empa, nthuse ke hona, Jesu Kreste o tšepisitse sena, 'me sena ke 'nete. Le a bona, seo, ke 'nete.

199 Joale na O boetse o a bua, mantsoe a ho qetela A buileng pele A tloha lefatšeng, a nyolohela Leholimōng, ho re, "E-eang ka lefatše lohle," Mareka 16, "le bolele Evangeli. Ea lumelang a kolobetsoa o tla bolokeha; ea sa lumeleng o tla tsuo. Mehlolo e tla tsamaea le ba lumelang ke eona ena?" Na le kile la e bala? Thomo ea ho qetela e ne e le efe? "Ha ba bea bakuli matsoho, ba tla fola." Ke ba bakae ba tsebang hoo e le 'nete?

200 Joale e mong le e mong oa lona, metsotsong e 'maloa e fetileng, o ile a phahamisa letsoho la hae hore u molumeli. Joale na le ke ke la behana matsoho holimo mono? Re ke ke ra tlameha ho tsoelapele; lea tseba O teng mona, hobaneng le sa beane matsoho holimo feela 'me le rapelle motho eo ea lutseng pel'a lona, haeba u le molumeli. Joale, O itsalo! Joale, che, ha se 'na feela; ke lona, e mong le e mong oa lona. Lea e lumela joale? E reng, "Amen." [Phutheho e re, "Amen."—Mohl.] Ho lokile.

201 Joale, sheba, u se ke ua ithapella, hobane motho ea u rapellang o u beile matsoho. Le a bona, le ba rapelle, 'me ke tla le rapella kaofela. 'Me ha u ka e lumela feela, ka khopolo e 'ngoe, ena e tla ba e 'ngoe ea linako tse khōlōhali tseo u kileng ua li bona.

202 Boteng ba Jesu Kreste, bo tlamehang ho khantšetsa kereke, ho tseba hore matsatsing ana a qetelo moo litumeloana le mekha ea malumeli le mekha le ntho eohle e—e pupelitse Lentsoe, 'me Jesu Lentsoe le kante ho kereke, 'me u 'Mona a khutlela hantle har'a batho le ho Itsebisa kamoo A tšepisitseng, "matsatsing a qetelo mohla Mora motho a senoloang." O ile a senoloa kolobetsong; O ile a senoloa pholisong ea Khalalelo; ke enoa moo A leng teng bokhething ba Hae ba ho qetela. Hopolang, e ne e le ntho ea ho qetela eo Abrahamana a e boneng pele mollo o theoha le ho ahlola lefatše la Balichaba, le pele mora oa tšepiso a fihla temeng, Isaaka. Ena ke ntho ea ho qetela eo kereke ea Bokreste e tla e bona, ka pontšo ea mohlolo, ho fihlela Jesu Kreste a hlaha. Haeba Molimo o mphile mohau ka pel'a lona, ntumeleng


ka Lebitso la Morena, ha ho letho le setseng ka Bibeleng ho etsoa haese ho nka letšoao la sebata; 'me u tsoere Tiiso ea Molimo.

<sup>203</sup> Rapella motho eo ea robetseng mono, a lutse pel'a hao. Bea letsoho la hao holim'a bona. Ke—ke ne ke batla lihlotsa; ha ke bone letho. Empa moalo oo, ke a kholoa, o se o, oh . . . Ho lokile, beanang matsoho holimo 'me le rapele.

<sup>204</sup> Jesu ea ratehang, Mora e moholo ea hloekileng oa Molimo o phelang, Ea leng teng mona bosiueng bona ka sebopeho sa Moea o Halalelang, ho fetola sebopeho sa Hae le ho theoaha le ho senola Lentsoe la Hae hantle nameng ea motho; banna, basali, ba mehlahloe eohle ea bophelo, ho supa hobane O sa phela. E sa le Eèna maobane, kajeno, le kamehla.

<sup>205</sup> Morena Jesu, re mona motseng o moholo ona oa Topeka, re mona ho phutheha le bana ba Hao. 'Me rea rapela, hore joalokaha U entsoe setlama se le seng har'a rōna, joale U tle u chaelle Lentsoe la Hao, thomo ea ho qetela, e reng, "Ba tla beha bakuli matsoho, ba tla fola." 'Me batho, baipoleli, le ba tsoetsoeng labobeli ke Moea, joale ba beane matsoho holimo, ho iketsa setlama le e mong le e mong, ka thomo ea Hau le Lentsoe la Hau.

<sup>206</sup> Joale, Satane, u ke ke ua hlola u tsoara batho bana ba kulang. Ke bahlanka ba Lentsoe la Molimo. Tsoa ho bona, maloetse a 'meleng oa bona. Se hlole u ba tuba. Ba tlohele ba lokolohe, ho qala bosiueng bona ho tsoella. Rōna, joaloka bahlanka ba Molimo, ba bonahalitsoeng ho thasisetsa Lentsoe, ho u laela ka Lebitso la Molimo o phelang, Jesu Kreste Lentsoe le entsoeng nama har'a rōna, tsoa bathong bana ba kulang, le ho ba lumella ho tsamaela, 'Muso oa Molimo, 'me re fuoe taelo ke Jesu Kreste Mora oa Molimo. Amen.

<sup>207</sup> Bohle ba lumelang 'me ba amohela pholiso ea Hao, ntle le seriti sa pelaelo, mona ka har'a lesira la Khanya ea Shekina, ho bona Lentsoe la pallo leo re tla kena ho lona le leholo vekeng ena, ho E bona e bonahatsoa hantle mona ka pel'a rōna, ha re emeng ka maoto a rōna re re, "Joale ke amohela pholiso ea ka. Ke lumela Jesu Kreste joale o a mpholisa. Ka pelo ea ka eohle, ke a e lumela. Ke a e amohela, ka Lebitso la Jesu Kreste." Molimo a le hlohonolofatse. Phahamisang matsoho a lona joale. 'Me e mong le e mong oa lona, ka mokhoa oa hae, le Mo lebohele pholiso ea lona. Amen. 

64-0617 Kreste Ea Tsebahalitsoeng Oa Mengoaha Eohle  
Municipal Auditorium  
Topeka, Kansas U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)